

# Macluumaad ku saabsan tallaalka korona ee carruurta da'doodu u dhexeyso 5-11 sano jir, kaasoo loogu talaggalay waalidiinta

Cudurka korona inta badan ilmaha wuxuu ugu dhacaa si fudud, laakiin cudurrada aasaasiga ah ayaa sidoo kale kordhinaaya cudurrada ku dhaca ilmaha da'doodu u dhexeyso 5-11 sano jir ee uu ku dhacay feyruska korona. Sidoo kale caabuqa ama infekshanka korona ee ku dhaca carruurta, waxaa uu noqon karaa mid astaamiihiisuu dabadheeraadaan.

**Qaadashada tallaalka feyruska korona waxaa loo soo jeedinaya**

- Ilmaha da'doodu u dhexeyso 5-11 sano jir, kuwaasoo ay dhici karto in ay jirto khatar aad u weyn oo ah in uu ku dhaco cudurka korona ee Aadka u daran, sababo la xiriira cudur aasaasi ah oo ay qabaan, daryeel gaar ah ama sababo kale awgood.
- Ilmaha da'doodu u dhexeyso 5-11 sano jir, kuwaasoo ay jiraan in dad ehelkooda ah uu ka mid yahay qof difaaca jirkisu si xoog ah uu dhimman yahay.

Sidoo kale carruurta da'doodu u dhexeyso 5-11 sano jir waxaa la siinayaa fursadda ah in ay qaataan tallaalka feyruska korona.

Cudurka korona ee Aad u daran waxaa uu horseedi karaa xanuunno iyo xaalado, kuwaasoo si aad ah u dacifinaaya shaqada sambabada iyo wadnaha ama awoodda difaaca ee xubnaha jirka.

Degmadaada ayaa bixinaya wargelinta ku saabsan jadwalka qabanqaabinta tallaalka carruurta ee da'doodu u dhexeyso 5-11 sano jir.

Tallaalku waxaa uu si fiican ilmaha uga badbaadinayaan cudurka korona. Waxaa intaas dheer in tallaalka illaa iyo xad uu badbaado u noqon karo qofka uu difaaca jirkisu sida Aadka ah u dhimman yahay ee ka tirsan ehelka ilmaha.

Tallaalku waa mid ikhtiyaari ah, islamarkaana lacag la'an ama bilaash ah.

## Tallaalka korona ee ilmaha la siinaayo

Ilmaha da'doodu u dhexeyso 5-11 sano jir waxaa la siinayaa tallaalka loogu talaggalay kooxda da'adaan jirta ee nooca tallaalka Biontech-Pfizerin Comirnaty, kaasoo ka qayb ah nooca tallaalka ee mRNA. Tallalkaa wuxuu haystaa oggolaanshaha iibinta ee shuruuddu ku xiran tahay.

Waxaa ilmaha la siinayaa laba qaybood oo tallaalka ah. Qaybta labaad ee tallaalka waxaa la siinayaa marka ay ka soo wareegto 6–12 toddobaad kaddib qaadashada talaalkii koowaad.

Tallaalka kuma jiraan wax feyrus nool ah, sababtaas awgeedna tallaalka laftigiisa lagama qaadaayo cudurka feyruska korona.

## Awoodda iyo ammaanka tallaalka

Cilmibaarisyadii ka horeeyay siinta oggolaansha tallaalka ee la sameeyay, waxaa lagu xaqijiijay in awoodda tallaalka ee ka hortagga feyruska korona ee carruurta da'doodu u dhexeyso 5-11 sano jir ay tahay mid si aad ah u wanaagsan. Tallaalka kaddib waxaa ilmaha da'doodu u dhexeyso 5-11 sano jir lagu arkay kuwo la mid ah astaamaha lagu arkay carruurta buuxisay da'da 12 sano jirka. Astaamaha caadiga ah ee soo ifbaxay tallaalka kaddib waxaa ay ahaayeen meesha la tallaallay oo xanuunta, bararta ama cassaan noqota, sidoo kale waxaa astaamahaas ka mid ah daal, madax-xanuun, jiriirico, murqo-xanuun iyo qandho ama xummadd. Dhammaan astaamahaas waa kuwo baaba'aaya, mana ahan kuwo horistaagaaya in la qaato tallaalka qaybihiisa kale ee sii socda. Astaamahaas waxaa lagu daaweyn karaa daawooyinka xanuun baabi'iyyaasha ah iyo kuwa qandhada ama xummadda jebiya.

Cilmibaarisyadii ka horreeyay oggolaanshaha iibinta ee la sameeyay, ma jiraan wax lagu caddeeyay oo ku saabsan waxyelloyinka aadka u daran ee tallaalku u leeyahay carruurta da'doodu u dhexeyso 5-11 sano jir. Suuraggal ma aanay ahayn in la arko waxyelloyinka dhifta ah ee dhici kara, sababtoo ah dadka baaritaanka lagu sameeynaayay oo tiro xadidan ahaa awgeed.

Falcelinta aadka u daran ee xasaasiyadda ah ee tallaalka kaddib ayaa ahayd mid si aad ah dhif u ah.

Adduunweynaha oo idil waxaa illaa iyo haatan la tallaallay carruur malaayiin ah oo da'doodu u dhexeyso 5-11 sano jir. Mana jirto wax soo baxay oo ku saabsan welwel gaar ah oo dhanka ammaanka ah oo khuseeya carruurta da'daas jirta.

## Ilmaha aan qaangaarin isaga ayaa go'aan ka gaari kara arrinka ku saabsan tallaalka, marka loo eego da'diisa iyo korriinkiisa

Dalkaan Finland ilmaha aan qaangaarin isaga ayaa nafsat ahaantiisa go'aan ka gaaraaya is tallaalistaa, haddii uu xirfadle ka tisran daryeelka caafimaadka ee tallaalka siinaaya uu qiimeeyo, in iyadoo la tixraacaayo da'diisa iyo heerkiisa koritaanka uu awood u leeyahay inuu go'aan ka gaaro tallalkiisa. Ma jirto wax xadayn dhanka da'da ah oo ku saabsan go'aan gaarista madaxa bannaan oo sharciga lagu qeexay. Caadi ahaan marka laga hadlaayo tallaallista carruurta da'doodu u dhexeyso 5-11 sano jir, waxaa loo baahan yahay oggolaanshaha waalidka.

Xitaa haddii ilmaha aan wali qaangaarin uu qaadan waayo go'aanka tallaalistiisa, waxaa isaga la siinayaa macluumaadka ku saabsan tallaalka iyo muhiimadda uu tallalku u leeyahay isaga, iyadoo la tixgelinaayo da'diisa iyo heerkiisa korriinkiisa, waxaana isaga laga dhegeysanayaa fikriisa ku saabsan arrinkaan.

Haddii ilmuhi uusan isagu go'aan ka gaarin arrinka ku saabsan tallaalka, waxaa loo baahan yahay dhammaanba oggolaanshaha waalidka ee ku saabsan tallaalka.

## Macluumaadka dheeraadka ah ee ku saabsan kooxda carruurta ah ee u nugul halista cudurrada iyo sidoo kale awoodda iyo ammaanka tallaaka, waxaad ka heleysaa bogga internetka ee ah: [thl.fi/lastenkoronarokote](http://thl.fi/lastenkoronarokote)